

La linguistica incunta la scora

Co po pa la jonëza gni arjignada ca a n monn dl laür tres plü plurilingual? Co ciara pa fora na "cassëta dles massaries" ideala o che an adora efetivamënter, che i scolari po anuzè te situaziuns scolastiches o extrascolastiches? Co se mostra pa les competënzes linguistiches tla vita da vignidé y tla scora? Chëstes tematices vëgn ejaminades y aprofondides tla cornisc di proiec de inrescida dla Uniun Europeica "DYLAN" y "LINEE" (intrami sentà ite tl Zënter de Competënza Linguistica, sot la direziun dla professuria Rita Franceschini). L'Istitut Pedagogich les à presentades dan da n publich de professurs. I referënc è le prof. Georges Lüdi (Université de Basel), le prof. Peter Sieber (Université da Turic - PHZ) y la prof. dr. Rita Franceschini (Université Lèdia de Balsan). Ai à portè dant sciöche na

te' cassëta dles massaries podess ciarè fora, mo incé: co conëscion pa te na tlassa che al é dan man competënzes plurilinguales y co pòn pa se comportè aladò?



La prof. dr. Rita Franceschini dla ULB.